

過年

復興國小 陳秋貴

佇我的記持中，過年是鬧熱、歡喜佻快樂合做伙的日子。嘛是阿媽一年透冬上期待、上快樂的日子，因為這工，所有的囡孫仔，攏會轉來伊的身軀邊團圓。

二九暝透早，阿媽就會招我佻伊去菜市仔買好料的，因為阿母愛無閒厝內底的工課，阿爸嘛有穡頭愛做，所以阿媽攏會招我去鬥揸菜，若無，伊定定會買甲揸袂轉來。

過年時的菜市仔，是鬧熱滾滾，毋管是賣菜的、賣肉的、抑是賣魚的，逐擔的頭前攏是 tsinn 甲滇滇滇的人，逐家相爭 (tsinn) 買，每一個人攏佻我仝款，揸甲大包細包。這陣的阿媽佻普通時彼个勤儉的阿媽攏無仝矣！伊已經變做一個買物件的高手，一直買、一直買。

欲暗的時，所有的親情 (tsiann) 攏齊到啊！規厝間攏是人，挨挨陣陣，相借問的相借問，滾耍笑的滾耍笑，阿媽嘛笑甲喙仔裂獅獅，逐个孫攏叫來面頭前，拞拞 (so) 摸摸咧，彼陣的阿媽看起來誠滿足呢。

圍爐的時，歸桌頂是腥臊甲，有魚、有肉，攏有我上愛食的火鍋，阿媽會那共阮挾菜那講好話：來！食豆，食豆，予恁逐家食甲老老老，食菜頭，予逐家攏有好采頭，食雞、食雞，予逐家攏會起家，食長年菜，予逐家攏會活甲久久長長，食豆乾，予遮囡孫仔通作官，食魚丸，

予咱全家好團圓。看起來，阿媽咧買菜蔬的時，一定是用滿腹的愛心，若無，那會逐項菜攏有伊的向望佢祝福。

食飽了後，阿媽就會共阮講：「來！逐家緊來領紅包，毋閣，愛共阿媽講好話喔！」，「阿媽，恭喜發財」，「阿媽，身體勇健」，「阿媽，平安快樂」，一聽著有紅包通領，逐家就一句來，一句去，共阿媽弄甲歡頭喜面笑 bún bún。我嘛緊共佇學校學的四句聯提出來唸：「祝阿媽新春大發財，平平安安好運來，金銀財寶滿廳排，大人囡仔看甲笑 hai hai」，一唸煞，逐家攏拍啞仔共我呵咗，講我唸甲誠好呢。

繼落一來，就是阮家族音樂會的開始。四伯仔 pùn 小吹，阿爸彈鋼琴，阿叔 lóng 鼓，加上四姆仔優美的歌聲，予逐家聽甲心涼脾肚開，所有的囡仔著開始 tuà 節奏那跳那比，那比閣那唱，連阿媽嘛 tu à 咧跳 neh！會當講欲佻鬧熱就有佻鬧熱！

落尾，上精采、上受歡迎的節目上場囉！he 就是一全家大摸彩，佇阮兜，過年的時，逐家攏愛準備一項禮物做獎品；人講；「輸人毋輸陣，輸陣歹看面」為著欲拼面子，逐家攏誠盡心咧款禮物，嘛因為攏毋知影禮物的內容是啥物，摸到的時，驚喜的叫聲是吱來吱去；今年，我摸到的是一台「I phone」，予我歡喜甲規暝攏睏袂去，倒佇眠床的時，我一直咧想講，若準逐工攏是過年，毋知有佻好咧！莫怪人咧講：「大人愛趁錢，囡仔愛過年」，真正有影咧！